



BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
OPĆINSKI SUD U SARAJEVU
Br. 065-0-SU-25-000884
Sarajevo, 15.09.2025. godine

Na osnovu člana 70. i 65. Zakona o javnim nabavkama (Sl. glasnik BiH“ broj 39/14, 59/22, 50/24) i člana 16. Pravilnika o unutrašnjoj organizaciji Općinskog suda u Sarajevu broj: 065-0-SU-17-002702 od 09.01.2018. godine, na preporuku stalne Komisije za javnu nabavku formirane Rješenjem broj: 065-0-SU-25-000394 od 05.03.2025. godine u postupku javne nabavke roba putem Otvorenog postupka s međunarodnom objavom: Nabava računalne opreme , Lot 1 Računala za potrebe Općinskog suda u Sarajevu, Predsjednik suda d o n o s i:

ODLUKA o izboru najpovoljnijeg ponuđača

Član 1.

Prihvaća se Preporuka Komisije za javne nabavke i Ugovor u iznosu od 254.500,00 KM bez PDV-a za nabavku roba: Nabavka računalne opreme (Lot 1 Računala) za potrebe Općinskog suda u Sarajevu dodjeljuje se ponuđaču Kodeks d.o.o. Sarajevo, a prema pristigloj ponudi br.: 378/25 od 17.07.2025. godine.

Član 2.

- (1) Prijedlog Ugovora dostavit će se na potpis izabranom ponuđaču nakon proteka roka od 15 (petnaest) dana od dana kada su svi ponuđači obaviješteni o ishodu postupka.
- (2) Izabrani ponuđač je dužan dostaviti dokaze o kvalificiranosti (Čl. 45, 47 ZJN) u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa točkom 5. Uslovi za kvalifikaciju tenderske dokumentacije za predmetnu nabavu.
- (3) U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici suda, opsud-sarajevo.pravosudje.ba , istovremeno sa upućivanjem iste ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 065-0-SU-25-000884 od 14.05.2025. godine – Nabava računalne opreme (Lot 1 Računala) za potrebe Općinskog suda u Sarajevu. Javna nabavka je provedena putem Otvorenog postupka s međunarodnom objavom. Predviđeno je i provođenje e-aukcije. Procijenjena vrijednost javne nabavke bez PDV-a iznosi 256.410,00 KM. Tekst Otvorenog postupka s međunarodnom objavom za nabavku računalne opreme za potrebe Općinskog suda u Sarajevu učinjen je dostupnim svim zainteresiranim ponuđačima, na portalu javnih nabava e-Procurement uz objavljeno obavještenje o nabavci pod brojem 1299-1-1-88-3-31/25 od 02.06.2025. Dana 11.06.2025. godine je objavljena i Prva izmjena tenderske dokumentacije za predmetnu nabavku.

U skladu sa Odlukom o pokretanju postupka, Komisija za provođenje postupka javne nabavke formirana Rješenjem broj: 065-0-SU-25-000394 od 05.03.2025. godine je sprovela proceduru nabavke, obavila javno otvaranje ponuda te sačinila i dostavila Zapisnik o pregledu i ocjeni ponuda.

Zapisnik o pregledu i ocjeni ponuda broj: 065-0-SU-25-000884 od 15.09.2025. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda sedam (7)
- da je blagovremeno zaprimljeno ukupno sedam (7) ponuda
- da su četiri (4) ponude prihvatljive za ugovorni organ
- da vrijednost najniže prihvatljive ponude prije e-aukcije iznosi 254.800,00 KM bez pdv-a (Emado d.o.o. Sarajevo), a najviše prihvatljive ponude prije održane e-aukcije 256.409,40 (Kodeks d.o.o. Sarajevo).

Ponuditelji čije se ponude odbijaju:

Printex d.o.o. Sarajevo budući da je ponuditelj ponudio monitor i nosač koji nisu kompatibilni te budući da je vrijednost njegove ponude iznad procijenjene vrijednosti što je čini neprihvatljivom. Ponuda se odbija u skladu s Čl. 68 stav 2 točka i) ponuda nije potpuna i ne ispunjava zahtjeve iz tenderske dokumentacije.

Inter com d.o.o. Zenica budući da ponuditelj nije dostavio Izjavu da će ponuđene licence biti isporučene kroz zvaničan i legalan kanal distribucije, a isto je bilo traženo kao dokaz tehničke i profesionalne sposobnosti (točka 5.4.2. TD) te ponuditelj također nije naveo na katalogu za računar stranicu/link na kojoj je katalog preuzet. Ponuda se odbija u skladu s Čl. 68 stav 2 točka i) ponuda nije potpuna i ne ispunjava zahtjeve iz tenderske dokumentacije.

Media Market pr Prijedor budući da ponuditelj nije dokazao u dostavljenoj kataloškoj dokumentaciji postavljeni uslov u tehničkoj dokumentaciji: *Ponuđeni monitor mora imati mogućnost ugradnje ponuđenog kućišta radne stanice u sebe ili mogućnost montiranja ponuđenog kućišta na leđa monitora, u kojem slučaju je neophodno uključiti i nosač kućišta („mounting kit“)* dalje ponuditelj nije dostavio kompletne fotografije za ponuđenu računalnu opremu i nije naveo model proizvođača/marku za ponuđeni nosač/monunting kit i čitač niti se isti naziv može identificirati iz kataloške dokumentacije a isto je bilo propisano obrascem Aneks 8 a koji je sastavni dio tenderske dokumentacije. Ponuda se odbija u skladu s Čl. 68 stav 2 točka i) ponuda nije potpuna i ne ispunjava zahtjeve iz tenderske dokumentacije.

Komisija je utvrdila da su ponuđači Emado d.o.o. Sarajevo, R&S d.o.o. Sarajevo, Moon d.o.o. Zenica i Kodeks d.o.o. Sarajevo dostavili ponude koje zadovoljavaju minimalne uslove za kvalifikaciju (u skladu s Čl. 45, 46, 47, 49 i 52 ZJN) i ostale uslove postavljene u tenderskoj dokumentaciji. Isti ponuđači su pozvani putem portala www.ejn.gov.ba da sudjeluju u e-aukciji čije provođenje je zakazano na dan 11.09.2025. godine u 13:00 sati u trajanju od 10 minuta. Prema izvješću o toku i završetku e-aukcije od 11.09.2025. godine e-aukcija je trajala ukupno 10 minuta. Konačna rang lista lista nakon na osnovu kriterija „**najniža cijena**” nakon održane e-aukcije je sljedeća:

R.B.	Naziv ponuditelja	Vrijednost ponude KM bez PDV-a
1.	Kodeks d.o.o. Sarajevo	254.500,00
2.	Emado d.o.o. Sarajevo	254.800,00
3.	R&S d.o.o. Sarajevo	256.287,20
4.	Moon d.o.o. Zenica	256.360,00

U skladu sa kriterijem „**najniža cijena**“, Ugovor za nabavku roba: Nabavka računalne opreme (Lot 1 Računala) za potrebe Općinskog suda u Sarajevu dodjeljuje se ponuđaču Kodeks d.o.o. Sarajevo uz rok isporuke od maksimalno 45 (četrdesetpet) dana od dana obostranog potpisivanja Ugovora u iznosu od 254.500,00 KM bez pdv-a.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji u cijelosti se prihvća Zapisnik o pregledu i ocjeni ponuda od 15.09.2025. godine.

PRAVNA POUKA

Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. i 101. Zakona.

Prilog:

1. - Zapisnik o pregledu i ocjeni ponuda broj: 065-0-SU-25-000884 od 15.09.2025. godine

Dostaviti:

1. Svim učesnicima u postupku
2. Komisija za javne nabavke
3. Služba računovodstva
4. a/a

Predsjednik suda

Damir Batotić